



Broj: 11-07/01-04-39560-59/25
Sarajevo, 18.08.2025. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo
-ovdje-

PREDMET: Odgovor na zastupničko pitanje - *dostavlja se*

Poštovani,

Zastupnica u Skupštini Kantona Sarajevo **Jelena Pekić** je u okviru 24. radne sjednice Skupštine Kantona Sarajevo, u skladu sa čl. 211. i 214. Poslovnika Skupštine Kantona Sarajevo, uputila je zastupničku inicijativu, koja glasi:

„Da se ukine moratorij na upošljavanje na neodređeno vrijeme kvalificiranih odgajatelja koji kontinuirano ispunjavaju profesionalne obaveze i standarde pri Javnoj ustanovi „Djeca Sarajeva“.


Odgovor:

Shodno zastupničkoj inicijativi, obavještavamo Vas o slijedećem: Zaključak o moratoriju na zapošljavanje u svim kantonalnim organima uprave, upravama i upravnim organizacijama koje se nalaze u sastavu ministarstava, javnim ustanovama, organizacijama i fondovima, javnim komunalnim i javnim preduzećima i rukovodiocima drugih budžetskih korisnika bez prethodne saglasnosti, Vlada Kantona Sarajevo donosi za budžetsku godinu. Ministarstvo za odgoj i obrazovanje Kantona Sarajevo podržava predmetnu inicijativu, te je Odlukom o izmjeni i dopuni odluke Pedagoškim standardima i normativima za predškolski odgoj i obrazovanje (“Službene novine Kantona Sarajevo”, br. 3/25), omogućena prekvalifikacija za rad u predškolskom odgoju i obrazovanju licima bachelore, magistre ili profesore razredne nastave i za bachelore, magistre ili profesore pedagogije koji su završili trogodišnji, četvorogodišnji ili petogodišnji studij razredne nastave ili trogodišnji, četvorogodišnji ili petogodišnji studij pedagogije, sve u cilju nesmetanog rada u predškolskim ustanovama i kako bi se zadovoljile potrebe tržišta rada za kvalifikovanim odgajateljima.

Ističemo, da je Vlada Kantona Sarajevo, Zaključkom, broj: 02-04-42845-37/25 od 21.08.2025. godine, odobrila nastavak procedure za prijem 110 radnika na određeno vrijeme u Javnoj ustanovi “Djeca Sarajeva” Sarajevo, a shodno Zaključku Vlade Kantona Sarajevo u kojem se između ostalog pod tačkom 2. “Obustavlja pokretanje procedura javnih konkursa za nova upošljavanja kod svih budžetskih korisnika Kantona Sarajevo koji ne predstavljaju esencijalne pozicije za funkcionisanje

sistema. Budžetski korisnici Kantona Sarajevo su u obavezi odgoditi zapošljavanje onih zaposlenika čija je konkursna procedura završena do 31.12.2025. godine” i tačka 3. navedenog Zaključka da “Budžetski korisnici koji su dobili saglasnost za nova zapošljavanja, a nisu okončali konkursnu procedure, dužni su da prije potpisivanja ugovora ili drugog akta traže dodatnu saglasnost Vlade Kantona Sarajevo”. Nadalje, svjesni smo potreba u predškolskom odgoju i obrazovanju, te želji da se pojednostave i omoguće procedure zapošljavanja, kako bi se osigurao adekvatan broj kvalificiranih odgajatelja, Ministarstvo za odgoj i obrazovanje Kantona Sarajevo će u školskoj 2026/2027. godini uložiti dodatne napore u cilju omogućavanja optimalnih uslova za rad u predškolskom odgoju i obrazovanju koji je poseban i specifičan dio odgojno-obrazovnog sistema, gdje će kvalificirani odgajatelji biti na raspolaganju kako bi se poboljšali i osigurali svi uvjeti za optimalan tjelesni, intelektualni, emocionalni i socijalni razvoj, odnosno uspješan dalji odgoj i obrazovanje za najmlađu generaciju.

S poštovanjem,



Dostaviti:

1. Naslovu;
2. Evidenciji;
3. A/a.